

全唐詩目 第五函

第六冊

劉商 二卷

陳翊

劉復

冷朝陽

于尹躬

柳郴

李子卿 共二卷

朱灣 一卷

丘丹

賈弇

沈仲昌

謝良輔

鮑防

杜奕

鄭槩

陳元初

呂渭

范燈

樊珣

劉蕃 共二卷

張志和

張松齡

陸羽 共二卷

郭鄼

韋同則

李夷簡

李約 共二卷

于鵠二卷

劉長川

鄭常

陳存

王觀

崔瓘

鄭審

朱彬

李彥遠

范元凱芝卷

劉迴

李幼卿

李深

羊滔

薛戎

謝勳共二卷

全唐詩

劉商

劉商字子夏彭城人少好學工文善畫登大曆進士第
官至檢校禮部郎中汴州觀察判官集十卷今編詩一
卷

銅雀妓

魏主矜蛾眉美人笑於玉高臺無晝夜歌舞竟未足盛
色如轉圜夕陽落深谷仍令身歿後尙縱平生慾紅粉
淚縱橫

作紅粉
橫淚痕

調絃向空屋舉頭君不在惟見西陵木玉

輦豈再來嬌髮爲誰綠那堪秋風裏更舞陽春曲曲罷
終一作情不勝凭闌向西哭臺邊生野草來去胥羅縠况復

陵寢間雙雙見麋鹿

哭韓淮端公兼上崔中丞

堅貞與和璧利用歸干將金玉徒自寶高賢無比方挺
生巖松姿孤直凌雪霜亭亭結清陰不競桃李芳讀書
哂霸業翊贊思皇王千載有疑議一言能否臧儒風久
淪弊顏閔壽不長邦國豈一作既殄瘁斯人今又亡別離長
春草存沒隔楚鄉聞問尙書慟淚凝向日黃奄忽薤露
晞杳冥泉夜長賢愚自修短天色空蒼蒼銘旌歛歸魂
荆棘生路傍門柳日蕭索總帷掩空堂燈孤晦處明高
節歿後彰芳蘭已灰燼幕府留餘香常愛獨坐尊繡衣
如雁行至今虛左位言發淚霑裳

秋夜聽嚴紳巴童唱竹枝歌

巴人遠從荆山

一作江

客回首荆山楚雲隔思歸夜唱竹枝

歌庭槐葉落秋風多曲中歷歷敘鄉土鄉思綿綿楚詞

古身騎吳牛不畏虎手提簞笠欺風雨猿啼日暮江岸

邊綠蕪

一作林

連山水連天來時十三今十五一成新衣已

再補鴻雁南飛報鄰伍在家歡樂辭家苦天晴露白鐘

漏遲淚痕滿面看竹枝曲終寒竹風裊裊西方落日東

方曉

烏夜啼

一作鳥栖曲

遶樹啞啞驚復栖含烟碧樹高枝齊

一作迷

月明露濕枝亦

滑城上女墻西月低愁人出戶聽烏啼團團明月墮墻

西月中有桂樹日中有伴侶何不上天去一聲啼到曙
隨陽雁歌送兄南遊

塞鴻聲聲飛不住終日南征向何處大漠窮陰多沍寒
分飛不得長懷安春去秋來年歲疾湖南薊北關山難
寒飛萬里胡天雪夜度千門漢家月去住應多兩地情
東西動作經年別南州風土復何如春雁歸時早寄書
賦得射雉歌送楊協律表弟赴婚期

昔日才高容貌古相敬如賓不相覩手奉蘋蘩喜盛門
心知禮義感君恩三星照戶春空盡一樹桃花竟不言
結束車輿強遊往和風霽日東臯上鸞鳳參差陌上行
麥苗縈隴雉初鳴修容盡飾將何益極慮呈材欲導情

六藝從師得機要百發穿楊含絕妙白羽風馳碎錦翻
青娥怨處嫣然笑楊生詞賦比潘郎不是前賢貌不揚
聽調琴弄能和室更解彎弧足自防秋深爲爾持圓扇
莫忘魯連飛一箭

泛舒城南溪賦得沙鶴歌奉餞張侍御赴河南
元博士赴楊州拜覲僕射

終日閭閻涿羣雞喜逢野鶴臨清溪綠苔春水水中影
夜月平沙沙上栖驚謂汀洲白蘋發又疑曲渚前年雪
紫頂昂藏肯狎人一聲嘹唳一作嘯冲天闕素質翩翩帶落

暉湖南渭陽相背飛東西分散別離促宇宙蒼茫相見
稀皇華地仙如鶴馭乘駕飄飄留不住延望乘虛入紫

霞陌頭回首空烟樹會使搏風羽翮輕九霄雲路隨先
鳴

姑蘇懷古送秀才下第歸江南

姑蘇臺枕吳江水層級鱗差向天倚秋高露白萬林空
低望吳田三百里當時雄盛如何比千仞無根立平地
臺前來一作來月吹玉鸞臺上迎涼撼金翠銀河倒瀉君王

醉灑酒綫冠眄西子宮娃酣態舞娉婷香飈四颯

一作聽青

城

一作聶

墜伍員結舌長嘯噉忠諫無因到君耳城烏啼盡

海霞銷深掩金屏日高睡王道潛隳伍員死可嘆斗間
瞻王氣會稽句踐擁長矛萬馬鳴蹄掃空壘瓦解冰銷
眞可耻凝艷妖芳安足恃可憐荒堞晚冥濛麋鹿呦呦

達一作建

遺址君懷逸氣還東吳吟狂日日遊姑蘇興來下

筆到

一作倒

奇景瑤盤迸灑蛟人珠大鵬矯翼翻雲衢嵩峰

霽後凌天孤海潮秋打羅刹石月魄夜當彭蠡湖有時
凝思家虛無霓幢彷彿遊仙都琳瑯暗戛玉華殿天香
靜裏金芙蕖君聲日下聞來久清贍何人敢敵手我逃
名迹遁西林不得灞陵傾別酒莫便五湖爲隱淪年年
三十昇仙人

金井歌

文明化洽天地清和氣

一作元氣

氤氲孕至靈

一作精

瑞雪不散抱

層嶺陽谷霞光射山頂薺草披沙石竇開生金曜日明
金井虞衡相賀爲禎祥畏人抃攫持及戕牟馳馬走塵

蒲道郡邸封章開建章君王儉德先簡易瞻國肥家在
仁義山澤藏金與萬人宣言郡邑無專利閭閻少長競
奔湊黃金蒲袖家富有驩心蹈舞歌皇風願載謳歌青
史中

柳條歌送客

露井夭桃春未到遲日猶寒柳開早高枝低枝飛鷗黃
千條萬條覆宮牆幾回離別折欲_{一作}盡一夜東風吹又
長毵毵拂人行不進依依送君無遠近青春去住隨柳
條却寄來人以爲信

胡笳十八拍

第一拍

漢室將衰兮四夷一作方不賓動干戈兮征戰頻
哀哀父母生育我見離亂兮當此辰
紗窗對鏡未經事將謂珠簾能蔽身
一朝胡騎入中國蒼黃處處逢胡人
忽將薄命委鋒鏑可惜紅顏隨虜塵

第二拍

馬上將余向絕域厭生求死死不得
戎羯腥膻豈是人豺狼喜怒難姑息
行盡天山足霜霰風土蕭條近胡國
萬里重陰鳥不飛寒沙莽莽無南北

第三拍

如羈囚兮在縲紲憂慮萬端無處說
使余刀兮剪余髮食余肉兮飲余血
誠知殺身願如此以余爲妻不如死

早被蛾眉累此身空悲弱質柔如水

第四拍

山川路長誰記得何處天涯是鄉國自從驚怖少精神
不覺風霜損顏色夜中歸夢來又去朦朧豈解傳消息
漫漫胡天叫不聞明明漢月應相識

第五拍

水頭宿兮草頭坐風吹漢地衣裳破羊脂沐髮長不梳
羔子皮裘領仍左狐襟貉袖腥復膻晝披行兮夜披臥
毳帳時移無定居日月長兮不可過

第六拍

怪得春光不來久胡中風土無花柳天翻地覆誰得知

如今正南看北斗。姓名音信兩不通。終日經年常閉口。
是非取與在指撈。言語傳情不如手。

第七拍

男兒婦人帶弓箭。塞馬蕃羊臥霜鬣。寸步東西豈自由。
偷生乞死非情願。龜茲殢繫愁中聽。碎葉琵琶夜深怨。
竟夕無雲月上天。故鄉應得重相見。

第八拍

憶昔私家恣嬌小。遠取珍禽學馴擾。如今淪棄念故鄉。
悔不當初放林表。朔風蕭蕭寒日暮。星河寥落胡天曉。
旦夕思歸不得歸。愁心想似籠中鳥。

第九拍

當日蘇武單于問道是賓鴻解傳信學他刺血寫得書
書上千重萬重恨髯胡少年能走馬彎弓射飛無遠近
遂令邊雁轉怕人絕域何由達方寸

第十拍

恨凌辱兮惡腥膻憎胡地兮怨胡天生得胡兒欲棄捐
及生母子情宛然貌殊語異憎還愛心中不覺常相牽
朝朝暮暮在眼前腹生手養寧不憐

第十一拍

日來月往相催遷迢迢星歲欲周天無冬無夏臥霜霰
水凍草枯爲一年漢家甲子有正朔絕域三光空自懸
幾回鴻雁來又去腸斷蟾蜍虧復圓

第十二拍

破瓶落井空永沈。故鄉望斷無歸心。寧知遠使問姓名。
漢語泠泠傳好音。夢魂幾度到鄉國。覺後翻成哀怨深。
如今果是夢中事。喜過悲來情不任。

第十三拍

童稚牽衣雙在側。將來不可留。又憶還鄉惜別兩難分。
寧棄胡兒歸舊國。山川萬里復邊戍。背面無由得消息。
淚痕滿面對殘陽。終日依依向南北。

第十四拍

莫以胡兒可羞恥。恩情亦各言其子。手中十指有長短。
截之痛惜皆相似。還鄉豈不見親族。念此飄零隔生死。

南風萬里吹我心。心亦隨風度遼水。

第十五拍

歎息襟懷無定分。當時怨來歸又恨。不知愁怨情若何。似有鋒鋸擾方寸。悲歡竝行情未快。心意相尤自相問。不緣生得天屬親。豈向仇讐結恩信。

第十六拍

去時只覺天蒼蒼。歸日始知胡地長。重陰白日落何處。秋雁所向應南方。平沙四顧自迷惑。遠近悠悠隨雁行。征途未盡馬蹄盡。不見行人邊草黃。

第十七拍

行盡胡天千萬里。唯見黃沙白雲起。馬飢跑雪銜草根。